

ଯାଜୁବ ବିବା ତେଡ଼େମ୍ବୁ



Gadaba, Bodo

ଯାକୁବ ବିବା ଡେଡେମ୍ବୁ

Gadaba, Bodo
Koraput, Odisha, India



<http://creativecommons.org/licenses/by/4.0/>


You are free to make commercial use of this work. You may adapt and add to this work. You must keep the copyright and credits for authors, illustrators, etc.



ଯାକୁବ ପୁରୁବ ଦିଗ୍‌ବ' ହୁଗୁନ୍‌ ଲକ୍‌ନେନ୍‌ ଦେସ୍‌ବ' ଉଜି'ସୁ
କେଟେୟ୍‌ଗୁ। ମିୟ' ଯାକୁବ ତୁ ଲାଙ୍‌ବବ' ମୁଇର' କୁଇଁସାଲ୍
ହୁଗୁନ୍‌ ଜୁଅ' । ମିୟ' ତୁ କୁଇଁସାଲ୍ ବୁନ୍‌ଦେ ତିନ୍‌ଟା
ମେନ୍‌ଡାରାସି ହୁଡ଼ି'ଗୁନେନ୍‌ ହୁଗୁ। ମାଙ୍‌ଡେମ୍‌ ତିୟ'ନା ତୁ
ଲକ୍‌ନେନ୍‌ ମେନ୍‌ଡା ରାସିନେନ୍‌ଲାଇଁ ତୁ କୁଇଁସାଲ୍‌ନ୍‌ ତାକ୍
ଅଇ'ତନେନ୍‌ ମିୟ' କୁଇଁସାଲ୍ ଆଗାସି ମଡ଼କାଙ୍‌ ମୁଇର'
ବିରେନ୍‌ ତାଲ୍‌ଗୁ ହୁ ହୁଗୁ।




ଯାକୁବ ଜେଡ଼େବେଲା ମାମୁଜ୍‌ଡେୟ୍ ଲାବନନ୍ନ ଅନ'ଅନ୍‌ଡେୟ୍
ରାହେଲ ମେନ୍‌ଡା ରାସିନେନ୍‌ଲାୟ୍ ଆଡ଼' ରିରିଙ୍ଗନ୍ନ ଜୁଅ',
ସେଡ଼କିବେଲା ଯାକୁବ କୁଇଁସାଲ୍ ବୁନ୍‌ଦେ ଉଜି'ସୁ କୁଇଁସାଲ୍‌ବ'
ଡାଲ୍‌ଗୁନ୍ନ ବିରେନ୍‌ଲାୟ୍ ଗୁଟାଅ'ସୁ ମାମୁଜ୍‌ଡେୟ୍‌ନ୍ନ
ମେନ୍‌ଡାନେନ୍‌ଲାୟ୍ ଡାକ୍ ଅଇଡ଼' ।




ତୁମ୍ଭ ତିରଗି' ଯାକୁବ ରାହେଲଲାଇ ସୁନ', ନିଜ୍ ପେନୁ
ଆପୁଙ୍ଗୁ କୁରୁମ୍ଭୁ ରିବିକାନୁ ଅ'ଅନ୍ ତିୟ' ସୁସୁନକେ,
ରାହେଲ ତିଏନ୍ବ' ତୁଙ୍ଗୁସୁ ଆପୁଙ୍ଗୁଡେୟଲାଇ ଏ ବିସୟ ସୁନ'
ବେଡ଼' । ତୁମ୍ଭ ତିରଗି' ଲାବନ ସୁନ', ସତ୍ଅ' ନମ୍ ନିଜ୍ନୁ
ନିଜର୍ ସୁଲୟ' ବାନ୍ଜା, ତୁମ୍ଭ ପୁଲାଇ ଯାକୁବ
ଲାବନନୁ ତିଏନ୍ବ' ମୁଇର' ମାସ୍ ଜାକ ତୁଗୁ ।



ମୁସନ୍ ଲାବନ ଯାକୁବଲାୟ୍ ସୁନ', ନମ୍ ନିଜ୍ନୁ ନିଜର୍ ବାନ୍ଜା
ଡେଜ୍ନୁ ଲାଗି, ଅନିଜ୍ ତିୟ'ଅ' କାମ୍ ଡେମ' ଆର୍ବେଡ' ।
କେଡେକ୍ କୁଲି ରିଜିସୁ କାମ୍ ଡେମ' ବେ'ତୁନମ୍, ତୁନୁ ଅନିଜ୍
ସୁନ୍ ତିୟ'ସୁ ସୁନ' । ଲାବନନୁ ଜଡେକ୍ ଅନ'ଅନ୍ଡେୟ୍ନେନ୍
ତୁଗୁ । ମଡକାଜ୍ନୁ ଇମି ଲେୟା ମିୟ' ମି'ଏନ୍କାଜ୍ନୁ ଇମି
ରାହେଲ । ରାହେଲ ବେସି ସୁନ୍ଦରିକାଜ୍ ତୁଗୁ ମାତର୍
ଲେୟାନ୍ନୁ ମ' ଆକି କାଜ୍ଲିଆ ତୁଗୁ ।



ଯାକୁବ ରାହେଲଲାୟ୍ ମନ୍ ଡେମ'ସୁ, ଲାବନଲାୟ୍ ସୁନ',
ନମନ୍ ମି'ଏନକାଜ୍ ଅନ'ଅନଲାୟ୍ ନିଜନ୍ କୁମୟ୍'
ଡେଡେମଲାୟ୍ ବେ'ଡୁନମ୍ ଡିୟ'ନା, ନିଜ୍ ନମନ୍ନୁବ' ସାଡ୍
ବରସ୍ ଗରଜୁଆୟ୍ କଟେୟ୍ଲଜ୍ନିଜ୍ ଡିୟ'ସୁ ସୁନ' । ତୁ ବେଲା
ଲାବନ ସୁନ', ବିନ୍ ଅଡୁ'ବଲାୟ୍ ବେଡୁବେ'ନ୍ନୁ ବାଦୁଲ୍ରେ
ଅନମ୍ ବେଡ' ଡୁଗୁନା ବେସି ନିମାନ୍ ଡେଲଜ୍ ନମ୍ ନିଜନ୍ନୁବ'
ଡୁଗୁସୁ କାମ୍ ଡେମ୍ ଡିୟ'ସୁ ସୁନ' ।




ଯାକୁବ ରାହେଲକୁ ଲାଗି ସାତ୍ ବରଷ୍ ଗରୁଜୁଆଁୟ୍ କଟେୟ୍ଗୁ ।
ମିୟ୍ ଯାକୁବ ରାହେଲକୁବ' ବେସି ରସେୟ୍ଗୁ ଉଜି'ନୁ ଲାଗି,
ତୁ ସାତ୍ ବରଷ୍ ମାୟ୍'ନୁ ପୁଲାଇୟ୍ ଅଲପ୍ ଦିନ୍ ମୁନାଜ୍
ଲାଗେୟ୍ଗୁ । ସାତ୍ ବରଷ୍ ତିରଗି' ଯାକୁବ ଲାବନଲାଇୟ୍ ସୁନ',
ନିଜ୍ ନମ୍ନୁବ' ଗରୁଜୁଆଁୟ୍ କଟେୟ୍ଗୁ ଦିନ୍ ସାରେୟ୍ଗୁ, ଆଁ
ନମ୍ନୁ ଅନ'ଅନ୍ ରାହେଲଲାଇୟ୍ ଅନିଜ୍ ସର୍ପେୟ୍ ଇନ୍ତେ
ନିଜ୍ ମାୟ୍'ନୁ ବୁଡ଼ମ୍ ତିଏନ୍ ସଜ୍ସାର୍ ତେମତୁନିଜ୍ ତିୟ୍'ସୁ
ସୁନ' ।



ତୁ ବେଲା ଲାବନ ତୁ ଜାଗାନୁ ସବୁ ଲକ୍ନେନ୍‌ଲାୟ୍ ରୁନ୍‌ଡାଅ'ସୁ
ବଜି ଡେମ' । ମିୟ' ତୁ ନନ୍‌ଡିବ୍ ବେଲା ମାୟ'ନୁ ନିଜର୍
ଅନ'ଅନ୍ ଲେୟାଲାୟ୍ ଆୟ' ରିଅ'ସୁ ଯାକୁବନୁ ତିତିବ'
ସର୍‌ପେୟ' ବେଡ' ମିୟ' ଯାକୁବ ଲେୟା ବୁଡ଼ମ୍ ତିଏନ୍
ସଙ୍‌ସାର୍ ଡେମ' ।



ଲାବନ ନିଜର ଅନ'ଅନ୍ ଲେୟାନ୍ତୁ ପୁଲ୍ୟାନ୍ତ ଗତି ଅନବ୍
ତେତେମ୍ଲ୍ୟାନ୍ତ ସିନ୍ଧା ଇମିନ୍ତୁ ଅନବ୍ଲ୍ୟାନ୍ତ ବେଡ଼' । ମାତର ତୁ
ଆର୍କ ଦିନେ ଅନ୍ତରେଲ୍ ଯାକୁବ ତୁ ଅନ'ବ୍ଲ୍ୟାନ୍ତ ଜୁଜୁକେ,
ତୁନ୍ତୁ ଲେୟା ।



ତୁ ଆର୍କ ଦିନେ ଯାକୁବ ଲାବନଲାୟ୍ ସୁନ', ନମ୍ ଅନିଙ୍ଗ୍
ମାଙ୍ଗ୍‌ଡେମ୍ ଏ ଇତ' ନାଡ଼ାଅ' ବେଡ଼'ନମ୍? ନିଙ୍ଗ୍ ମାଙ୍ଗ୍
ରାହେଲନ୍ନୁ ପୁଲାୟ୍ ନମ୍‌ନୁବ' ଗର୍କୁଆଁୟ୍ କଚେୟ୍‌ଗୁନ୍ନୁ ଉରା'
କି? ଡିୟ୍‌ସୁ ସୁନ' । ଲାବନ ସୁନ', ନେୟ୍‌ନୁ କୁଲ୍‌ବ' ମଡ଼ ଲକ୍
ତୁଡ଼ମ୍‌ଡେ, ମି'ଏନ୍ ଲକ୍ ଆ'କ୍‌ତୁ ବିବା ଡେଡେମ୍‌ନୁ ନିୟମ୍
ଉରା' ଆଁ ଏ ବିବା କାମ୍‌ନୁ ସାତ୍ ଦିନ୍ ସାରେୟ୍‌ଗୁ ଉୟେ',
ମି'ଏନ୍‌କାଙ୍ଗ୍ ଅନ'ଅନ୍‌ଲାୟ୍‌ସା ଅନମ୍ ବେ'ତୁନିଙ୍ଗ୍, ମାତର୍
ନମ୍ ନିଙ୍ଗ୍‌ନୁବ' ମିୟ୍ ସାତ୍ ବରସ୍ ଗର୍କୁଆଁୟ୍
କଚେୟ୍‌ଲଙ୍ଗ୍‌ନମ୍ ଡିୟ୍‌ସୁ ସୁନ' ।



ତୁ ସାମବ' ଯାକୁବ ରାଜି ତେଜୁ ମିୟ' ସାତ୍ ଦିନ୍ ତିରଗି',
ଲାବନ ରାହେଲଲାୟା ଯାକୁବ ବୁଡ଼ମ୍ ବିବା ତେମ' ବେଡ଼' ।
ମିୟ' ରାହେଲନ୍ତୁ ଗତି ଅନବ୍ ତେତେମ୍ଲାୟ୍ ଲାବନ ନିଜର୍
ଗତି ଅନବ୍ ବିଲ୍ହା ଇମିନ୍ତୁ ଅନ'ବ୍ଲାୟ୍ ବେଡ଼' । ତୁନ୍ତୁ ତିରଗି'
ଯାକୁବ ରାହେଲ ବୁଡ଼ମ୍ ତିଏନ୍ ସଙ୍ଘସାର୍ ତେମ' ମିୟ'
ଲେୟାନ୍ତୁ ତିକ୍ ରାହେଲଲାୟ୍ ଅଦିକ୍ ଆଲାଦ୍ ତେମ' । ଯାକୁବ
ଲାବନନ୍ତୁବ' ମିୟ' ସାତ୍ ବରସ୍ ଗର୍କୁଆୟ୍ କଚେୟ୍ଗୁ ।

